

Orientering om betalingssatsar i helse og omsorg i Vaksdal kommune – vedlegg til Budsjett 2021.

I «Forskrift om egenandel for kommunale helse- og omsorgstjenester» er det regulert kva kommunar i Norge kan krevje i eigenandel på helse – og omsorgstjenester. Kvart år, i desember, kjem eit rundskriv frå helse – og omsorgsdepartementet der forskrifta blir endra knytt til fribeløp og eigenandelar for kommunale helse - og omsorgstjenester. Forskrifta seier at kommunen skal minst årleg oppdatera vedtaket om eigenandel ut ifrå likning og nytt grunnbeløp. I denne orienteringa legg ein til grunn tala gjeldande i 2020, sidan føringar for 2021 ikkje er tilgjengeleg endå.

Ved den årlege justeringa i Vaksdal kommune for betalingssatsar i Helse og omsorg knytt til budsjett, må ein ta omsyn til reguleringane i forskrifta. Prisar som kommunen sjølv kan bestemme blir regulert delvis knytt til kostnad kommunen har med tenestene og forventa prisvekst.

Det kan ikkje krevjast eigenandel på avlastingstilbod eller døgnopphald i ØH-senger (øyeblikkeleg hjelp). Heimesjukepleie og tenester til personleg stell som er knytt til nødvendig helsehjelp, er gratis. Med personleg stell og eigenomsorg meinast blant anna hjelp til å stå opp og legge seg, personleg hygiene, toalettbesøk, til å kle av og på seg, hjelp til å ete, nødvendig tilsyn og tilsvarande grunnleggjande behov.

Tenester det kan krevjast betaling for, er praktisk bistand, opplæring og brukarstyrt personleg assistanse som ikkje er til personleg stell og eigenomsorg. Eksempel på slike tenester kan vera reingjering, klesvask, handling, matlaging og anna hjelp knytt til daglege gjeremål. Kommunane tek også betaling for korttids – og langtidsopphald i institusjon.

For dei prisane Vaksdal kommune kan bestemme sjølv, er det henta inn prismateriale frå andre kommunar i Hordaland. Dette er gjort for samanlikning med prisane Vaksdal kommune har no og føreslår for 2021.

Grunnbeløpet i folketrygda (G)

I forskrift og andre reguleringar knytt til eigenandelar i helse og omsorg, er det vanleg å bruke grunnbeløpet i folketrygda som eit målereidskap. G regulerast årleg med verknad frå 1. mai, og gjeldande G er kr. 101 351 (01.05.20).

Eigenandel opphald på institusjon

Eigenandel for opphald i institusjon er regulert i forskrifta. Det er heilt spesifikke føringar for kva ein kan ta betalt for, og kva bebuarane kan få av fråtrekk. Prisane i Vaksdal er i samsvar med forskrifta.

Eigenandel praktisk bistand

Kommunen kan i utgangspunktet sjølv bestemme nivået på eigenandelen, men kan ikkje krevja meir enn det tenesta kostar å produsera (sjølvkost). Kommunen kan ikkje ta meir enn eit maksimalbeløp fastsett i forskrift for praktisk bistand av personar i husholdingar med ein samla skattbar nettoinntekt under 2G. Samanlikna med andre kommunar ligg Vaksdal på eit middels nivå i pris.

Omsorg pluss:

Bebuarar i omsorg pluss vert rekna som heimebuande. Dei skal betale husleige, medisinske utgifter, mat og halde personlege eigendelar som t.d møblar, TV-abonnement og telefon sjølv. Prisane er basert på faktiske utgifter, utrekna frå snittprisar. Vaksdal kommune tener ikkje på opphaldet. Bebuaren har ikkje kostnader knytt til bemanning, då dette er rekna som naudsynte helsetenester. ‘

Ein har samanlikna prisane med det det kostar å bu på institusjon. Snittpris på institusjon pr. mnd. er i dag 15 130 kr. Pris faste utgifter i omsorg pluss er 14 716 kr. I tillegg kjem utgifter til praktisk bistand og tryggleiksalarm. Ein har høve til å søkje bustøtte for husleigedelen av utgiftene til omsorg pluss. Sum ein kan få i bustøtte er blant anna avhengig av samla inntekt.

Matombringing:

Her tek kommunen kostpris. Summen for middag og dessert er summen kommunen betaler Matvarehuset. Nytt frå 2021 er at me tek kostpris for desserten også. Den har tidlegare vorte gitt gratis. Dette har medført tap for kommunen. Eit alternativ til matombringing er å kjøpe Fjordland eller liknande på butikken. Fleire ynskjer dette, då det gjev større valfridom i meny enn Matvarehuset kan levere.

Dagsenter:

Pris dekker delvis utgifter til frukost og middag, samt transport dersom brukaren vert henta.

Tryggleiksalarm og e-lås

For å auke kvaliteten på tryggleiksalarmtenesta har ein no e-lås som tilknytt teneste. Dette for at tilsette skal kome seg raskt inn til brukar når alarmen er gått. Me har føreslått å auke prisen på tryggleiksalarm med 11 kr pr mnd for inntekt under 2G og 17 kr pr mnd over 2G for å dekke noko av meirkostnad knytt til e-lås. Vaksdal kommune ligg på middels nivå samanlikna med andre kommunar.

Ein del kommunar tek betalt for sjølve monteringa av e-låsen. Vaksdal har føreslått å gjere dette utan meirkostnad for brukaren.

I tillegg føreslår me å sette eit månadsbeløp på e-lås utan tryggleiksalarm til 50 kr pr mnd. Dette for å kunne montere e-lås hos brukarar som ikkje har denne tenesta, men der det ut frå andre hensyn er hensiktsmessig å kunne komma raskt inn til brukar.

Prisar tryggleiksalarm frå kommunar i Hordaland som deler pris i 2 slik som Vaksdal, over og under inntekt på 2G:

	Tryggleiksalarm prisar 2020	
	Under 2G	Over 2 G
Masfjorden	210 kr.	370 kr.
Etne	220 kr.	430 kr.
Bergen	228 kr.	310 kr.
Vaksdal	233 kr.	342 kr.
Austrheim	274 kr.	441 kr.
Austevoll	278 kr.	389 kr.
Osterøy	282 kr.	434 kr.

Eigenandel velferdsteknologi

Det avgjerande for om ein kan ta eigenandel på velferdsteknologi, er om det blir brukt til førebyggjande tiltak/service eller som nødvendig helsehjelp. Ved nødvendig helsehjelp skal tenesta vera gratis. Eksempel på teneste som er kategorisert som nødvendig helsehjelp er heimesjukepleie. Det er derfor kva for behov teknologien skal dekkja, som avgjer om ein tek eigenandel eller ikkje.

Kommunen kan sjølv bestemma nivået på eigenbetaling knytt til velferdsteknologi. På området er det endå ingen sentrale føringar eller forskrifter. Å ta kostpris betyr at eigenandelen dekker kjøpspris/leigepreis pluss eventuelle ekstrakostnader knytt til drift.

Ordninga med at det er gratis ved naudsynt helsehjelp og kostpris ved servicetenester samsvarer med kva andre kommunar planlegg å innføre.

Link til lovverk:

- Forskrift om eigenandel: <http://www.lovdato.no/cgi-wift/ldles?doc=/sf/sf/sf-20111216-1349.html>
- Helse – og omsorgstenestelova: <https://lovdato.no/dokument/NL/lov/2011-06-24-30>
- Rundskriv I- 1/2020: <https://www.regjeringen.no/contentassets/1e3c477951c8469d89a6a2ec054df1a9/rundskriv-i-12020-om-endring-av-fribelop-og-egenandeler-for-kommunale-helse--og-omsorgstjenester.pdf>